

後跋

大洞仙經乃玉清秘密之傳出世之梯航登仙之徑路也凡修真之士持經法錄務要發精進心矢恒久志每日早起梳洗盥漱整肅衣冠登堂焚香燃燈淨茶三盞淨水一盃持咒啓聖畢興身向東坐誦存運三十九章每章各有神主之宜先朝泥丸然後復居本位嚴固守之有自前而下者有自後而上者各依經式服符存運內有嚙津者非是口口吞液只存頂中真液以目意送注中宮或三或五或七或九臨末方吞一口存神如道士相金冠法衣或青白衣或九梁冠等形始運從頂心下布中宮名迴風混合從尾闕夾脊至頂門名默朝上帝經久不懈自

道藏輯要

大洞玉經

卷

氏集三
人上人

獲靈通初則一日存思九章久熟日日存完倘行住坐臥一心在頂一紀不缺白日飛昇昔漢靈帝光和二年正月朔有葛真君在天台山精思念道感太上老君同立一真人親降出大洞玉經葛君拜而受之大茅君息靜茅山魏元君化貧女入女妬巷修道不覺腹大似有姪者眾姑惡而斥之魏君曰非姪也乃仙經也自以刀剖腹得經一本名曰大洞經遂與大茅君捧在手中至今山中有破肚池存焉余覽往聖持經證果者代有偉人幸邁劉君授以世廟秘本快睹符籙之全因刊施一藏以廣其傳得遇者乃三生之幸天不負人在乎力行者勉爲之耳

江西臨江府清江縣奉道弟子楊攸謹跋